

讀書堂杜工部詩集註解卷之十五



柳璟子孚

滄陽張

潛上若評註

男

榕端樸園校訂

橋恒子久

偶題

大曆元年秋夔州作

文章千古事得失寸心知

正見知之難

作者皆殊列名聲豈浪

垂騷人嗟不見漢道盛於斯前輩飛騰入

前輩指漢蘇李暨魏曹劉諸公

餘波綺麗為

餘波謂六朝

後賢兼舊例

謂兼前人制作而有之

歷代各清

規法自儒家有心從弱歲疲永懷江左逸多病鄴中奇騷

驥皆良馬

謂江左

麒麟帶好兒

謂曹氏父子

車輪徒已斲

自負

堂構惜仍虧

或自謙不及乃祖審言

謾作潛夫論虛傳幼婦碑緣情

慰漂蕩抱疾屢遷移經濟慚長策飛棲假一枝塵沙傍蜂

蠹

謂盜賊

江峽繞蛟螭蕭瑟唐虞遠聯翩楚漢危

時鬪爭如楚漢時也

聖朝兼盜賊異俗更喧卑鬱鬱星辰劍

自歎有志不偶

蒼蒼雲雨

池兩都開幕府萬寓插軍麾南海殘銅柱東風避月支音

書恨烏鵲

乾鵲噪而行人至

號怒怪熊羆稼穡分詩興柴荆學土

宜故山迷白閣秋水憶皇陂不敢要佳句愁來賦別離

文章秘訣詩統源流前半道盡○曰騷人曰漢道曰餘波綺麗曰逸曰奇曰兼舊制曰各清規兼收中何嘗無

佳聊漫興耳。

趙曰心從弱歲疲公自謂也江左指嵇阮鮑謝之作也鄴中指曹丕兄弟及當時七子之作也莊子

歎弱歲苦學爲文。今雖幸有子。而有不能傳之妙也。洙曰。後漢王符隱居著書。以訛當時得失。不欲彰顯其名。

號曰潛夫論語林曹操與楊修讀曹娥碑碑陰有八字
曰黃絹幼婦外孫蠶曰修知之操行三十里乃悟此言
絕妙好辭陸機文賦詩緣情而綺麗張華傳寶劍之精
上徹于天周瑜傳蛟龍得雲雨恐非池中物也馬援征
南立銅柱以勒功趙日月支以比吐蕃也白閣乃
終南山相附之山皇陂則皇子陂也皆在關中

吾宗

公自注衛倉曹崇簡○原註按世系表崇簡出襄陽房爲益州司馬參軍

吾宗老孫子質朴古人風耕鑿安時論衣冠與世同在家
常蚤起憂國願年豐語及君臣際經書滿腹中

中四句真而大從來畧過人情乖戾由於好異家貧由
嬾世亂由荒兩聯已道盡末及君臣正見其博學知大
義當仕而惜其隱也

第五弟豐獨在江左近三四載寂無消息覓使寄此

二首

亂○後○嗟○吾○在○羈○棲○見○汝○難○草○黃○驥○驥○病○沙○晚○鵲○鴿○寒○楚○設○

關○城○險○

公自謂

吳○吞○水○府○寬○

謂弟

十○年○朝○夕○淚○衣○袖○不○曾○乾○

此首言已懷念之切後首則遙指弟所在而欲往求之也

原○註○

孫莘老云草黃沙晚言祿薄君子不得志世亂兄弟不相見也夔峽為楚之險阻吳中有三江震澤

聞○汝○依○山○寺○杭○州○定○越○州○

杭州耶抑越州耶不定之詞

風○塵○淹○別○日○江○

漢○失○清○秋○

言無心賞秋景也

影○著○啼○猿○樹○

公自謂

魂○飄○結○蜃○樓○

謂弟明

年○下○春○水○東○盡○白○雲○求○

原○註○

盧照鄰巫山高詩莫辨啼猿樹史記天官書海傍蜃氣象樓臺

送田四弟將軍歸

顧本作將字順

夔州柏中丞命起居江陵

節度陽城郡王衛公幕

起居問候也此非公餞田將軍乃柏中丞宴別將軍公與

席而送以詩也。原註洙曰

一云夔府送田將軍歸江陵

離筵罷多酒起地發寒塘

起地謂起行之地。原註多酒可起地不可起地發又不可

回首中丞座馳牋異姓王燕辭楓樹日雁度麥城霜

言其行之

時

空醉山翁酒遙憐似葛疆

此非杜佳篇試看其做題無意不出。末二句言身雖與宴無能為山翁效使命之勞而田將此行中丞必憐之如山簡愛葛疆也

原註

趙曰御史中丞謂之獨坐漢有異姓諸侯王葛疆山簡愛將也以山公比柏中丞葛疆比田將軍

解悶十二首

草閣柴扉星散居、浪翻江黑雨飛初、山禽引子哺紅果、溪女得錢留白魚、

原註一作溪友

第一首賦夔州見景以下或思舊遊或論詩紀或念舊交至末深慨荔枝勞民事語意深渾公之所悶尤在此

○公雲安詩負鹽出井此溪女作溪女是

商胡離別下揚州、憶上西陵故驛樓、爲問淮東米貴賤、老夫乘興欲東游、

商胡客商也○西陵驛樓在浙江公少時遊吳越時所登也○晉宋人稱會稽剡中皆曰東

一辭故國十經秋、每見秋瓜憶故丘、今日南湖采薇蕨、何

人爲覓鄭瓜州

公自注今鄭秘監審

申云俊逸似太白。錢曰瓜州村近鄭莊鄭莊處所居也審爲虔之姪。按審鄭州人非金陵人胡本謂鄭審曾爲袁州刺史或又爲隴右瓜州刺史因瓜憶種瓜故丘又憶官瓜州之友總是戲筆

原註

因瓜憶鄭審爲金陵有瓜州號鄭瓜州趙曰邵平種瓜長安東門公長安人故感秋瓜而歎故鄉也

沈范早知何水部曹劉不待薛郎中獨當省署開文苑兼

泛滄浪學釣翁

此二句公自謂

李義山詩霧夕咏芙蕖何郎得意初此時誰最賞沈范兩尚書。璩與公爲詩友卽以璩詩贊璩

原註

趙曰何水部乃何遜也早爲沈約范雲所知薛郎中薛璩也若薛郎中者恨不與曹植劉楨同時後

山詩話子美懷薛璩云獨當省署開文苑兼泛滄浪學釣翁蓋省署開文苑滄浪學釣翁璩之詩也或云公取

據之詩廣之以美璩前
在省部今在荆南也

李陵蘇武是吾師孟子論文更不疑

公自注校書郎孟雲卿

一飯未

曾留俗客數篇今見古人詩

論文當即指上句文可該詩想雲卿有此言○公論詩於漢魏取蘇李曹劉於六朝取沈范陰何二謝於唐取

孟王

原註

洙曰世言五言詩始於蘇武李陵

復憶襄陽孟浩然清詩句句盡堪傳即今耆舊無新語謾

釣槎頭縮項鰠

詩文何嘗不貴新

鰠魚味美比詩之新美者謾釣謂今詩少異味也

原註

洙曰孟浩然開元時人有詩云梅花殘臘月柳色半春天鳥泊隨陽雁魚藏縮項鰯又云試垂竹竿

釣果得槎頭鰯習鑿齒襄陽耆舊傳云漢水中鰯魚甚美禁人捕以槎斷水因謂之槎頭鰯宋張敬兒作書與蕭道成云奉槎頭縮項鰯一千八百頭

陶冶性靈存底物新詩改罷自長吟

文章自熟知二謝將

能事頗學陰何苦用心

底物何物也詩本陶冶性靈豈可專填學問

原註

韓子蒼曰東坡集本蜜酒歌少兩句改數字蘇公下筆奇偉尚竄定如此嘗語參寥曰老杜言新詩

改罷自長吟知此老用心甚苦後人不復見其剗削但稱其渾厚耳二謝謂靈運惠連陰何謂陰鏗何遜

不見高人王右丞藍田丘壑蔓寒藤最傳秀句寰區滿未

絕風流相國能

公自注右丞弟今相國縉

原註

公詩晚年多倒用老態其所自得然未可盡以爲法黃山谷偏嗜此等自取成家此能字又別本是

未害其弟爲能耳○唐書王維字摩詰與弟縉齊名肅宗時維遷尚書右丞晚年得藍田別墅奇勝所賦詩號輞川集代宗時縉爲宰相代宗嘗求維文縉集上之

先帝貴妃俱寂寞荔枝還復入長安炎方每續朱櫻獻玉座應悲白露團

櫻桃薦廟荔枝繼之故有感

此下四首皆譏明皇爲貴妃取荔枝事而用此物字側生字只自知字勞生重馬字蓋爲隱語以避時忌春秋定哀多微詞之意非如西崑用僻事也未寒壑句又見明皇重色輕賢措語甚渾○錢云此詩爲蜀貢荔枝而作謂仙游久闕時薦未改自傷流落不獲與炎方花果共薦寢廟不勝園陵白露清秋草木之悲也○貴妃生

於蜀好食荔枝會妃生日奏樂長生殿南方進荔枝至
因名曰荔枝香及上幸蜀貴妃從至馬嵬縊於佛堂前
之梨樹下纔絕而南方荔枝至上視之長號數息使力
士曰爲我祭之進荔枝多自涪州故其地有妃子園以
馬遞馳載七日七夜至京人馬斃於
路者甚衆○玉座指代宗興思明皇

原註

禮記仲夏之月天子以含桃
先薦寢廟注云卽櫻桃也

憶過瀘戎摘荔枝青楓隱映石逶迤京華應見無顏色紅

顆酸甜只自知

謂色變止
存其味

此首見及荔枝到京其色已變何取勞民遠
致○荔枝一日色變二日香變三日味變

原註

洙曰蜀中惟瀘
戎二州產荔枝

翠瓜碧李沈玉甃赤梨蒲萄寒露成可憐先不異枝蔓此

物娟娟長遠生

此物頂前首荔枝古人不拘如此

此譏明皇索難得之物以勞民若致憾於造物不齊故使遠生語意甚妙○玉甃井也

側生野岸及江蒲不熟丹宮滿玉壺雲壑布衣鮐背死勞生重馬翠眉須

公爲此濫句蓋不欲遽解耳

不熟句言不熟丹宮而貢之却滿玉壺○末二句言布衣抱道有老死雲壑而不徵者乃勞民之生重馬之負以給翠眉之須何爲者耶其旨可謂隱而彰矣○鮐背老人背皮黑而粗如鮐魚也○錢云憶過瀘戎三首公櫟括張曲江荔枝賦而作瀘戎首言荔枝以不知而輕翠瓜首言荔枝之味以無比而疑側生首以荔枝遠不可驗終然永屈見物之受屈如此雲壑布衣老死鮐背曾不如殊方花果猶得奔騰傳置博翠眉之一笑士之無驗而永屈殆有甚焉此杜公比物託喻之意細看三詩皆致憾於明皇勞民力取難得之物以悅婦人徒使

賢者老死山林本無珍尙荔枝之見錢徒以曲江有此賦牽強扭合不可從○錢又云翠瓜首謂諸果不異枝葉而荔枝以遠生獨別其瓌異之狀甘滋之味不達於京華使人以凡果相目士之孤遠違世不能自拔於流俗正類此也去詩意益遠詩蓋謂荔枝與上四種枝蔓不異特以生於遠方爲妃子所好遂勞力害人貴之如此若致憾於造物生物之不均耳總之錢意因肅宗貶斥琯甫左袒立宗故作此解其實立宗所爲亦無可取觀杜洞房諸詩便知

原註

勞生重馬頗費解說趙曰此篇山谷云亦貢荔枝之什蜀都賦側生荔枝江蒲則自戎僊而下例以

畝爲蒲今官私契約皆然因以押韻丹宮神仙之宮以比禁苑玉壺珍貴之器以言至尊之奉惟其不熟丹宮而滿玉壺所以求之於遠也山谷云側生荔枝見左太冲蜀都賦雲壑布衣臨武長唐羗上書諫荔枝也見後漢和帝紀生當作人武后改人爲生因而誤寫重當作害別本如此翠睂謂妃子也

哭王彭州掄

執友驚淪沒，斯人已寂寥。新文生沈謝，異骨降松喬。北部

初高選。

言初授官得京畿尉

東堂早見招，蛟龍纏倚劍。

言其意槩冲斗

鸞鳳

夾吹簫。

言其文章應律

歷職漢庭久，中年胡馬驕。兵戈聞兩觀，寵

辱事三朝。蜀路江干窄，彭門地里遙。解龜生碧草，諫獵阻

青霄。

彭先嘗以御史罷

頃壯戎麾出，叨陪幕府要。

嚴武辟掄居幕府想公同在幕

中故有叨陪句將軍臨氣候，壯士塞風飈。井渫泉誰汲，烽疎火不

燒。

以平定之功歸掄

前籌多自暇，隱几接終朝。翠石俄雙表。

墓前華表

寒松竟後凋。贈詩焉敢墮，染翰欲無聊。再哭經過罷，離魂

去住銷之官方玉折寄葬與萍漂曠望渥洼道

指下霏微

河漢橋

指下夫人

夫人先卽世令子各清標巫峽長雲雨秦城

近斗杓馮唐毛髮白歸興日蕭蕭

要招請也臨氣候謂審量氣候而臨鎮也塞風飈卽疾驅塞蘆子之塞猶衝風而立也○接終朝公與相接也○贈詩王所贈詩不敢失墜也○觀寄葬二字則彭喪尙無經過之日故曰經過罷○渥洼方其神駿屬令子河漢歎其懸隔屬夫人舊註謂掄喪在道路甚謬

原註

洙曰沈謝謂沈約謝靈運也松喬謂赤松子王子喬也趙曰北部高選言王掄得京畿尉用曹操年

二十除洛陽北部尉東堂見招言王掄朝見也東堂亦臨幸延見處如晉郗詵遷刺史武帝於東堂會送問詵曰卿自以爲何如詵有桂林一枝之對洙曰中年胡馬驕謂安史之亂兩觀闕也東京賦建象魏之兩觀三朝

謂明皇肅宗代宗彭門蜀之彭州也解龜謂解印也謝靈運詩解龜在景平諫獵用司馬相如上疏諫獵趙曰諫獵阻清霄王掄在彭州必曾上封事不報希曰唐人多言戎麾如杜佑制出總戎麾易井渫不食趙曰凡軍旅所在必先論井泉有警必頻舉烽火今井泉不汲而烽火不燒則無事矣皆以王掄叅謀所致而然也洙曰張良借箸前籌莊子南郭子綦隱几而坐趙曰再哭經過罷謂聞掄之死已哭矣今靈襯經過夔州再哭焉洙曰之官字用漢書蕭望之便道之官秦城謂長安馮唐公自喻

覆舟一首

玄宗好神仙燒煉之術黔州貢丹砂等物經巫峽覆舟此詩追紀其事而諷之大曆

元年在夔州作公詩追紀者儘多○求仙原是極癡
心無益事不便直言故借覆舟爲諷語意絕妙○申

云此題敢作二律奇

巫峽盤渦曉黔陽貢物秋丹砂同隕石翠羽共沈舟羈使